

III.

Federalno ministarstvo energije, rudarstva i industrije dostavljaće izvještaje Federalnom ministarstvu finansija/finansija i Vladi Federacije Bosne i Hercegovine u skladu sa Zakonom o izvršavanju Budžeta Federacije Bosne i Hercegovine za 2022. godinu ("Službene novine Federacije BiH", broj 25/22) i Programom iz tačke I. ove odluke.

IV.

Za realizaciju ove odluke zadužuju se Federalno ministarstvo energije, rudarstva i industrije i Federalno ministarstvo finansija/finansija, svako u okviru svoje nadležnosti.

V.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 1081/2022

14. jula 2022. godine

Sarajevo

Premijer

Fadil Novalić, s. r.

Bosna i Hercegovina

Federacija Bosne i Hercegovine

Federalno ministarstvo energije, rudarstva i industrije

PROGRAM

UTROŠKA SREDSTAVA UTVRĐENIH U RAZDJELU 17. BUDŽETA FEDERACIJE BOSNE I HERCEGOVINE ZA 2022. GODINU FEDERALNOM MINISTARSTVU ENERGIJE, RUDARSTVA I INDUSTRIJE "TEKUĆI TRANSFERI I DRUGI TEKUĆI RASHODI - SUBVENCIJE JAVNIM PREDUZEĆIMA - ZA UVEZIVANJE RADNOG STAŽA"

Mostar, 2022. godine

1. UVOD

Uspostavljanje stabilnog i efikasnog sistema penzijskog i invalidskog osiguranja ne tiče se samo osoba koje su danas uživaoci penzijskih prava, već i svih onih koji će to postati. U procesu naplate doprinosa za penzijsko i invalidsko osiguranje, zapažena je nedisciplinarnost značajnog broja obveznika. Neplaćanje doprinosa obustavlja prava iz penzijskog osiguranja kao i prava iz obaveznog zdravstvenog osiguranja. Problem se usložnjava kada preduzeća odu u stečaj ili u likvidaciju, kada radnici zbog neuplaćenih doprinosa ne mogu povezati staž, odnosno ne mogu otići u zasluženu penziju. Prema grubim procjenama nekoliko desetina hiljada radnika u Bosni i Hercegovini, najvećim dijelom u Federaciji BiH, nema povezan radni staž. Manjkava zakonska regulativa i neadekvatna kontrola, omogućili su poslodavcima da radnicima godinama ne uplaćuju doprinose, tako da veliki broj radnika zbog neuvezanog radnog staža na odlazak u penziju čeka i više godina.

Problem se rješava sukcesivno i postepeno, na način da preduzeća apliciraju za dodjelu sredstava za uvezivanje radnog staža, putem raspisanog Javnog poziva. Kako se radi o značajnom i veoma osjetljivom socijalnom pitanju Vlada Federacije Bosne i Hercegovine je i u 2022. godini, kao i u prethodnim godinama, u razdjelu 17, ekonomski kod 614 - Tekući transferi i drugi tekući rashodi, na poziciji "Subvencije javnim preduzećima - za uvezivanje radnog staža" planirala sredstva za uplatu neuplaćenog radnog staža po osnovu PIO/MIO, a za preduzeća koja su u procesu likvidacije planirana su sredstva za uplatu neuplaćenog radnog staža i po osnovu PIO/MIO i po osnovu ostalih pripadajućih doprinosa (zdravstvenog osiguranja i osiguranja od nezaposlenosti) s obzirom da preduzeća u procesu likvidacije, zbog statusa u kojem su se našla, nemaju na raspolaganju sredstva za uplatu ostalih doprinosa.

2. PRAVNI OSNOV

- Strategija razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine ("Službene novine Federacije BiH", broj 65/13);
- Strategija razvoja drvne industrije Federacije Bosne i Hercegovine za period 2016.-2025. godina ("Službene novine Federacije BiH", broj 70/18);
- Strategija razvoja industrije građevinskog materijala Federacije Bosne i Hercegovine za period 2018.-2025. godine ("Službene novine Federacije BiH", broj 70/18);
- Strategija razvoja metalnog i elektro sektora Federacije Bosne i Hercegovine za period 2016.-2025. godine ("Službene novine Federacije BiH", broj 70/18);
- Akcioni plan za period 2019.-2023. godine za realizaciju Strategije razvoja industrije tekstila, odjeće, kože i obuće u Federaciji Bosne i Hercegovine za period 2013-2023. godine (Zaključak V. broj 1588/2021 od 21.10.2021. godine).
- Strategija razvoja namjenske industrije u periodu 2012-2022. godine.

3. ZAKONODAVNI OKVIR PROVOĐENJA PROGRAMA

- Budžet Federacije Bosne i Hercegovine za 2022. godinu ("Službene novine Federacije BiH", broj 25/22);
- Zakon o izvršavanju Budžeta Federacije Bosne i Hercegovine za 2022. godinu ("Službene novine Federacije BiH", broj 25/22).

4. CILJ I NAMJENA PROGRAMA

Program utroška sredstava utvrđenih u razdjelu 17. Budžeta Federacije Bosne i Hercegovine za 2022. godinu Federalnom ministarstvu energije, rudarstva i industrije "Tekući transferi i drugi tekući rashodi - Subvencije javnim preduzećima - za uvezivanje radnog staža" (u daljem tekstu: Program), ima prvenstveno za cilj očuvanje socijalnog mira koji se kroz ovaj Program realizira zbrinjavanjem radnika koji ne mogu steći pravo na odlazak u penziju jer im nije uplaćen radni staž.

Raspoloživa sredstva su grant sredstva i dodjeljuju se za izmirenje dugovanja preduzeća za neuplaćene doprinose samo po osnovu PIO/MIO i to za radnike koji će sa stažom osiguranja za koji će biti uplaćen doprinos za PIO/MIO, nakon uplate, ispunjavati uslove za ostvarivanje prava za penzionisanje, po bilo kojem osnovu.

Napomena:

Izuzetak od naprijed navedenog su preduzeća koja su u procesu likvidacije a kojima se dodjeljuju sredstva za izmirenje dugovanja preduzeća za neuplaćene doprinose po osnovu PIO/MIO, zdravstvenog osiguranja i osiguranja od nezaposlenosti i to za radnike koji će sa stažom osiguranja za koji će biti uplaćeni navedeni doprinosi, nakon uplate, ispunjavati uslove za ostvarivanje prava za penzionisanje, po bilo kojem osnovu.

Rezultat provođenja ovog Programa, je rješavanje socijalnog statusa zaposlenika, kroz penzionisanje.

Dodjela sredstava će se vršiti za izmirenje dugovanja privrednog društva, za neuplaćene doprinose samo po osnovu PIO/MIO za radnike koji su do dana podnošenja zahtjeva za dodjelu sredstava podnijeli zahtjev Federalnom zavodu PIO/MIO za penzionisanje, po bilo kojem osnovu.

Napomena:

Dodjela sredstava privrednim društvima, koja su u procesu likvidacije, će se vršiti za izmirenje dugovanja privrednog društva, za neuplaćene doprinose po osnovu PIO/MIO, zdravstvenog osiguranja i osiguranja od nezaposlenosti, za radnike koji su do dana podnošenja zahtjeva za dodjelu sredstava podnijeli zahtjev Federalnom zavodu PIO/MIO za penzionisanje, po bilo kojem osnovu.

5. KORISNICI SREDSTAVA

Korisnik finansijske pomoći može biti privredno društvo koje kumulativno ispunjava sljedeće osnovne kriterije:

1. Korisnik pomoći je privredno društvo osnovano po Zakonu o privrednim društvima ("Službene novine Federacije BiH", broj 81/15),
2. Korisnik pomoći je privredno društvo sa sjedištem u Federaciji Bosne i Hercegovine,
3. Korisnik pomoći je javno preduzeće, odnosno privredno društvo u kojem Federacija Bosne i Hercegovine ili bilo koji nivo vlasti u Federaciji Bosne i Hercegovine ima više od 50% vlasništva,
4. Korisnik pomoći je privredno društvo iz oblasti metalne, elektro i automobilske industrije, industrije građevinskog materijala, drvne, papirne i grafičke industrije, proizvodnje tekstila, kože i obuće, hemijske industrije i industrije gume i plastike i namjenske industrije, odnosno privredno društvo kome je prema KD BiH 2010 glavna šifra djelatnosti (djelatnost koju pravno lice pretežno obavlja) dodijeljena od nadležnog Zavoda za statistiku, iz područja C-Prerađivačka industrija, izuzev oblasti:
 - 10 (Proizvodnja prehrambenih proizvoda);
 - 11 (Proizvodnja pića);
 - 12 (Proizvodnja duhanskih proizvoda).

Neprihvatljivi korisnici grant sredstava po ovom Programu su:

- privredna društva kojima je upućen zahtjev, odnosno nalog za povrat dodijeljenih budžetskih sredstava Federalnog ministarstva energije, rudarstva i industrije iz prethodnog perioda, a koji do dana podnošenja zahtjeva za dodjelu sredstava po ovom Programu nije realizovan;
- radnici koji su do dana podnošenja zahtjeva za dodjelu sredstava po ovom Programu, već, po bilo kojem osnovu, penzionisani.

Napomena:

Pravo učešća po ovom Programu imaju i preduzeća u stečaju i preduzeća koja su u procesu likvidacije, ali ne i preduzeća koja su već likvidirana.

6. OSTALI KRITERIJI ZA IZBOR KORISNIKA

Pravo na učešće po ovom Programu i dodjelu grant sredstava imaju preduzeća koja ispunjavaju osnovne kriterije definisane u tački 5. ovog Programa i da zapošljavaju najmanje 5 zaposlenika.

Napomena:

Kriterij o minimalnom broju zaposlenih radnika u privrednom društvu koje aplicira za dodjelu sredstava po ovom Programu, ne odnosi se na preduzeća u stečaju i na preduzeća koja su u procesu likvidacije.

Zahtjevi koji ispunjavaju zadane kriterije iz ovog Programa, ocjenjuju se po obrascu 1.

OBRAZAC 1

KRITERIJI	Mogući broj bodova	Ostvareni broj bodova
Broj zaposlenih u preduzeću		
Broj zaposlenih u preduzeću od 5 do 40	2	
Broj zaposlenih u preduzeću od 41 do 80	4	
Broj zaposlenih u preduzeću od 81 do 100	8	
Broj zaposlenih u preduzeću > 100	10	
Status preduzeća		
Preduzeće zbog procesa likvidacije treba dodatna sredstva za uplatu doprinosa za penzionisanje	6	
Preduzeće zbog stečaja treba dodatna sredstva za uplatu PIO za penzionisanje	3	
Preduzeće nije u stečaju	2	
Broj radnika koji će se penzionisati		
Broj penzionisanih <5	5	

Broj penzionisanih od 5 do 10	7	
Broj penzionisanih od 11 do 20	9	
Broj penzionisanih od 21 do 30	12	
Broj penzionisanih od 31 do 50	15	
Broj penzionisanih > 50	20	
UKUPNO OSTVARENO BODOVA		

7. SREDSTVA PREDVIDENA ZA DODJELU

Sredstva za provođenje ovog Programa utvrđena su Budžetom Federacije Bosne i Hercegovine za 2022. godinu, u razdjelu 17, ekonomski kod 6144, "Tekući transferi i drugi tekući rashodi - Subvencije javnim preduzećima - za uvezivanje radnog staža" u iznosu od 3.468.000,00 KM.

Navedena sredstva su grant sredstva Federalnog ministarstva energije, rudarstva i industrije (u daljem tekstu: Ministarstvo) i dodjeljivati će se po ovom Programu i raspisanom Javnom pozivu.

Dodjela sredstava će biti regulisana ugovorom o dodjeli grant sredstava, koji se sklapa između Ministarstva sa jedne strane, i korisnika, sa druge strane.

Odobrena sredstva Ministarstvo će uplaćivati na račun Federalnog zavoda PIO/MIO, kada korisnik dostavi dokument od Federalnog zavoda PIO/MIO sa spiskom radnika i stažom osiguranja za koji će biti uplaćen doprinos za PIO/MIO, nakon čega radnici sa uplatom odobrenih sredstava po ovom Programu, stižu uslove za odlazak u penziju, po bilo kojem osnovu. Nakon toga će Ministarstvo dati nalog Trezoru Federacije BiH da izvrši uplatu odobrenih sredstava na račun Federalnog zavoda PIO/MIO.

Napomena:

Odobrena sredstva Ministarstvo će uplaćivati na račun Federalnog zavoda PIO/MIO, Zavoda zdravstvenog osiguranja i reosiguranja Federacije BiH, nadležnog kantonalnog zavoda zdravstvenog osiguranja, Federalnog zavoda za zapošljavanje i nadležnog kantonalnog zavoda za zapošljavanje, kada korisnik dostavi dokument od Federalnog zavoda PIO/MIO sa spiskom radnika i stažom osiguranja za koji će biti uplaćen doprinos za PIO/MIO, nakon čega radnici sa uplatom odobrenih sredstava po ovom Programu, stižu uslove za odlazak u penziju, po bilo kojem osnovu. Nakon toga će Ministarstvo dati nalog Trezoru Federacije BiH da izvrši uplatu odobrenih sredstava na račun Federalnog zavoda PIO/MIO, Zavoda zdravstvenog osiguranja i reosiguranja Federacije BiH, nadležnog kantonalnog zavoda zdravstvenog osiguranja, Federalnog zavoda za zapošljavanje i nadležnog kantonalnog zavoda za zapošljavanje.

Maksimalan iznos sredstava koji se može odobriti za jedno preduzeće je 300.000,00 KM.

Preduzeća po ovome Programu mogu ostvariti pravo na dodjelu sredstava samo po jednom podnesenom zahtjevu.

8. TRAJANJE PROGRAMA

Program traje do utroška sredstava, a najkasnije do kraja fiskalne godine (odnosno do 31.12.2022. godine).

9. TIJELA NADLEŽNA ZA PROVOĐENJE PROGRAMA

Tijela nadležna za provođenje i nadzor nad namjenskim korištenjem sredstava po ovom Programu su Ministarstvo, Federalno ministarstvo finansija/financija, Porezna uprava Federacije Bosne i Hercegovine i Federalni zavod PIO/MIO, svako u okviru svoje nadležnosti.

U slučaju da se dodijeljena sredstva ne opravdaju, odnosno ukoliko uplatom sredstava odobrenih po Odluci o dodjeli sredstava zaposlenik nije "otišao" u penziju, Ministarstvo će od korisnika zatražiti povrat sredstava što će se detaljnije definisati Ugovorom o dodjeli sredstava.

10. PROVOĐENJE PROGRAMA

Sredstva se dodjeljuju na osnovu raspisanog Javnog poziva. Javnim pozivom se definišu osnovne informacije o Programu: uslovi za učešće u Programu, namjena i iznos grant sredstava koja

su na raspolaganju za dodjelu, potrebna dokumentacija koja se prilaže uz zahtjev za dodjelu sredstava, način prijavljivanja, korisnici, rok i mjesto podnošenja prijave, uslovi za prijavu po Programu, postupak provođenja Programa i Javnog poziva, način prijavljivanja, kao i ostale relevantne informacije.

Javnim pozivom, od potencijalnih korisnika sredstava, će biti zatražena sljedeća dokumentacija:

1. Zahtjev za dodjelu grant sredstava (na web stranici Ministarstva www.fmeri.gov.ba),
2. Spisak zaposlenika koji sadrži i lični i matični broj osiguranika koji će, po bilo kojem osnovu, ostvariti uslove za odlazak u penziju do dana podnošenja zahtjeva za dodjelu sredstava i koji su podnijeli zahtjev Federalnom zavodu za PIO/MIO za penzionisanje. Navedeni spisak mora biti usaglašen sa podacima iz nadležnog Federalnog zavoda PIO/MIO (za period do 31.12.2010. godine) i nadležne Porezne uprave Federacije Bosne i Hercegovine (za period od 01.01.2011. godine), sa datumom sticanja prava na penziju i iznosom duga samo po osnovu PIO/MIO, ovjeren i potpisan od strane nadležnog lica preduzeća i nadležnog Federalnog zavoda PIO/MIO odnosno Porezne uprave Federacije BiH,

Napomena:

Za preduzeća u procesu likvidacije treba dostaviti spisak zaposlenika koji sadrži i lični i matični broj osiguranika koji će, po bilo kojem osnovu, ostvariti uslove za odlazak u penziju do dana podnošenja zahtjeva za dodjelu sredstava i koji su podnijeli zahtjev Federalnom zavodu za PIO/MIO za penzionisanje. Navedeni spisak mora biti usaglašen sa podacima iz nadležnog Federalnog zavoda PIO/MIO (za period do 31.12.2010. godine) i nadležne Porezne uprave Federacije Bosne i Hercegovine (za period od 01.01.2011. godine), sa datumom sticanja prava na penziju i iznosom duga po osnovu PIO/MIO, zdravstvenog osiguranja i doprinosa, ovjeren i potpisan od strane nadležnog lica preduzeća i nadležnog Federalnog zavoda PIO/MIO odnosno Porezne uprave Federacije BiH,

3. Aktuelni izvod iz u sudskog registra (original ne stariji od 30 dana),
4. Statut ili odluka/akt o osnivanju (kopija i ne mora biti ovjereno),
5. Uvjerenje o poreznoj registraciji kod Porezne uprave - ID broj,
6. Uvjerenje o registraciji obveznika poreza na dodanu vrijednost - PDV broj,
7. Obavještenje nadležnog zavoda za statistiku o razvrstavanju prema glavnoj šifri djelatnosti po KD BiH 2010,
8. Lična karta i CIPS potvrda o prebivalištu lica ovlaštenog za zastupanje,
9. Izjavu, ovjerenu i potpisanu od strane odgovornog lica preduzeća, koja se može preuzeti na web stranici Ministarstva (www.fmeri.gov.ba) i kojom se odgovorno lice obavezuje da će po odobrenju grant sredstava, izvršiti uplatu sredstava po osnovu duga za ostale doprinose i to za zaposlenike za koje se traže grant sredstva (ne odnosi se na preduzeća u procesu likvidacije),
10. Spisak zaposlenika iz matične evidencije aktivnih osiguranika, izdat od strane nadležne Porezne uprave ne stariji od 30 dana od dana podnošenja zahtjeva (min. 5 zaposlenika), osim za preduzeća u stečaju i u procesu likvidacije.

Svi traženi dokumenti trebaju biti originali ili ovjerene kopije (ovjera ne starija od 30 dana od dana podnošenja zahtjeva za dodjelu grant sredstava) osim dokumenata za koje je izričito navedeno u kojoj formi se dostavljaju.

Zahtjev za dodjelu sredstava sa potrebnom dokumentacijom po Javnom pozivu, poredanom po tačkama Javnog poziva, podnosi se Ministarstvu.

Javni poziv po ovom Programu biti će raspisan nakon što Vlada Federacije Bosne i Hercegovine usvoji Program.

Ukoliko sredstva ne budu utrošena po prvom raspisanom Javnom pozivu, Ministarstvo može raspisati novi Javni poziv, do utroška sredstava.

Nakon uvida u dostavljene zahtjeve sa pripadajućom dokumentacijom i izvršenog ocjenjivanja po obrazcu 1., koji je sastavni dio ovog Programa i Javnog poziva, formira se rang lista privrednih društava na osnovu visine dodijeljenih bodova (od najvećeg do najmanjeg), te se na osnovu Programom i Javnim pozivom definisanih kriterija i drugih internih akata (ukoliko postoje), sačinjava Prijedlog sa rang listom pojedinačnih zahtjeva sa predloženim iznosima novčanih sredstava za dodjelu i odgovarajućim obrazloženjem. Isti se dostavlja federalnom ministru energije, rudarstva i industrije, koji će uputiti Prijedlog odluke Vladi Federacije Bosne i Hercegovine o izboru korisnika grant sredstava, na razmatranje i usvajanje.

Od privrednog društva koje je dostavilo zahtjev za dodjelu sredstava, može se zatražiti dodatna dokumentacija ili pojašnjenja u pisanoj formi.

Ministarstvo odlučuje o svim naknadnim zahtjevima korisnika za izmjenama uslijed nastupanja neplaniranih okolnosti.

Podnosioci zahtjeva kojima su odobrena sredstva, pozivaju se na potpisivanje ugovora kojim se preciziraju sva prava i obaveze ugovornih strana.

11. KONTROLA UTROŠKA GRANT SREDSTAVA

U svrhu kontrole namjenskog korištenja dodijeljenih sredstava, Ministarstvo će od korisnika zatražiti pismeni dokaz Federalnog zavoda PIO/MIO kojim se dokazuje da su zaposlenici za koja su odobrena sredstva po ovom Programu, nakon uplate istih, po bilo kojem osnovu ostvarili pravo na penziju, odnosno da su penzionisani. Navedeni pismeni dokaz treba dostaviti najkasnije 120 dana (četiri mjeseca) od dana uplate dodijeljenih sredstava.

12. OBJAVLJIVANJE AKTA

Ministarstvo će ovaj Program, Odluku o usvajanju Programa i Odluku o dodjeli sredstava, objaviti u "Službenim novinama Federacije BiH", kao i na web stranici Ministarstva.

Ministarstvo će Javni poziv za ovaj Program objaviti na web stranici Federalnog ministarstva energije, rudarstva i industrije (www.fmeri.gov.ba), a Obavijest o objavi Javnog poziva će biti objavljena u dnevnim novinama "Večernji list" i "Dnevni avaz".

Javni poziv ostaje otvoren 30 dana od dana objave Obavijesti o objavi Javnog poziva u navedenim dnevnim novinama.

Ministar
Nermin Džindić, s. r.

Na temelju 61. 24. i 37. Zakona o izvršavanju Proračuna Federacije Bosne i Hercegovine za 2022. godinu ("Službene novine Federacije BiH", broj 25/22), Vlada Federacije Bosne i Hercegovine, na 323. sjednici, održanoj 14.07.2022. godine, donosi